

鑄雪齋抄本聊齋志異

三



嵒湖鑄雪齋

聊齋誌異卷之三

江中

王聖俞南游泊舟江心既寢視月明如練未能寐使童僕為之按摩忽聞舟頂如小兒行踏蘆葦作响遠自舟尾來漸近艙戶慮為盜急起問童曰亦聞之問答間見二人伏舟頂上垂首窺艙內大愕按劍呼諸僕一舟俱醒告以所見或疑錯悞俄响聲又作羣起四顧渺然無人惟踈星皎月漫江波而已眾望舟中旋見青火如燈狀突出水面隨水浮游漸近舟則火頓滅即有黑人驟起屹立水上以手攀舟而行眾譟曰此必物也欲射

嵒陽潘松齡柳泉甫著



之方開弓則遽伏水中不可見矣。問舟人舟人曰此古戰場鬼時出沒其無足怪。

○○○魯公女

招遠張子旦性疎狂不羈讀書蕭寺時邑令魯公三韓人有女好獵生適遇諸野見其風姿娟秀着錦貂裘騎小驪駒翩然若画歸憶容華極意欽想后聞女暴卒悼嘆欲絕魯以家遠寄靈寺中即生讀所生散札如神明朝必香食必祭每酹而祝曰睹卿半面長繫夢魂不圖玉人奄然物化今近在咫尺而邈若河山恨如何也然生有拘束死無禁忌九泉有靈當珊珊而來慰我傾慕日夜祝之幾半月一夕挑燈夜讀忽舉

嵒湖鑄雪齋

首則女子含笑立燈下生驚起致問女曰感君之情不能自己遂不避私奔之嫌。生大喜遂共歡好自此無虛夜。謂生曰妾性好馬以射鷹殺虎為快罪孽深重死無歸所如誠心愛妾煩代誦金剛經一藏數生世世不忘也。生敬受教每夜起即柩前捻珠誦誦偶值節序欲與偕歸女憂足弱不能跋履生請抱負以行女笑從之如抱嬰兒殊不重累遂以為常。考試亦載與俱然行必以夜生將赴秋闈女曰君福薄徒勞馳驅遂聽其言而止。積四五年魯罷官貧不能覲將就窆之苦無壆地生乃自陳某有薄壤近寺願塋女公子魯公喜生又力為營塋魯德之而莫解其故魯公二人綢繆如平日一夜側倚生懷泣

落如豆曰五年之好。于今別矣。受君恩義。數世不足以酬。生驚問之曰。蒙惠及泉下人。徑咒藏滿。今得生河北盧戶部家。如不忌今日。過此十五年八月十六日。煩一往會。生泣下曰。生三十餘年矣。又十五年。將就水馬。會將何為。女亦泣曰。願為奴婢一報。少間曰。君送妾六七里。此去多荆棘。妾衣長難度。乃抱生項。生送至通衢。見諸傍車馬一簇。馬上或一人或二人。車上或三人或十數人不等。獨一鈿車。綉纓朱幃。僅一老嫗在焉。見女至。呼曰。來乎。女應曰。來矣。乃回顧生云。盡此且去。勿忘所言。生諾。女行近車。嫗引手上之。展軔即發。車馬闐咽而去。生悵然而歸。誌時。日于壁。因思徑咒之數。持誦益虔。夢神人告曰。汝志

嵒湖鑄雪齋

良嘉但須要到南海去問南海多遠曰近在方寸地醒而會其旨念切菩提修行倍潔三年后次子明長子政相繼擢高科生雖暴貴而善行不替夜夢青衣人邀去見宮殿中空一人如菩薩狀逆之曰子為善可喜惜無修齡幸得請于上帝矣生伏地稽首喚起賜坐飲以茶味芳如蘭又令童子引去使浴于池池水清潔游魚可數入之而溫掬之有荷葉香移時漸入深處失足而陷過涉滅頂驚寤異之由此身益健目益明自捋其鬚白者盡數落又久之黑者益落面紋亦漸舒至數月後頷禿童面宛如十五六時輒魚好遊戲事亦猶童過歸邊幅二子輒匡救之未幾夫人以老病卒子

欲為求繼室于朱門。生曰：待吾至河北來而後娶。屈指已及約期。遂命僕馬至河北訪之。果有盧戶部。先是盧公生一女。生而能言。長益慧美。父母最鍾愛之。貴家妻。生輒不欲。怪問之。具述生前約。共計其年。大哭曰：痴婢張郎計。今年已半百。人事變遷。其骨已朽。縱其尚在。髮童而齒。聲矣。女不聽。母見其志不搖。與盧公謀。戒閹人勿通客。過期以絕其望。未幾。生至。閹人拒之。退返旅舍。悵恨無所為計。聞遊鄧郭。因循而暗訪之。女謂生負約。涕不食。母言渠不來。必已殂謝。即不然。皆盟之罪。亦不在汝。女不語。但終日。盧患之。亦思一見生之為人。乃托游教。遇生于野。視之。

嵒湖鑄雪齋

年也。評之班荆畧談甚倜儻。公喜邀至其家。方將探問。盧即遽起。屬客暫獨望。忽入內告女。女喜自力起。窺審其狀不符。零涕而返。怨欺罔公。方白其是女。無言。但泣不止。公出。意緒懊喪。對客殊不款曲。生問貴族有為戶部者乎。公漫應之。首他顧。似不屬客。生覺其慢。辭出。女啼數日而卒。生夜夢女來。旦下顧者果君耶。年貌外異。覲面遂致違隔。妾已憂憤死。煩向土地祠速招我魂。可得活。遲則無及矣。既醒。急探盧氏之門。果有女亡三日矣。生大慟。進而弔諸其室。已而以夢告盧。盧從其言。招鬼而歸。啟其衾。撫其尸。呼而祝之。俄聞啖中略有聲。忽見朱櫻乍起。墜痰塊如冰。扶移榻上。漸復吟呻。盧公悅。肅客出。置酒宴會。細展官牘。知其巨家。益喜。擇吉成禮。居半月。携女而歸。盧

送至家半年乃去。夫婦居室儼如耦。不知者多誤以子婦為姑
婢者焉。盧公適年卒。子最幼。為豪強所中傷。家產幾盡。生迎
養之。遂家焉。

○道士

韓生世家也。好客。同村徐氏常飲于其座。會宴集。有道士托鉢門
上。家人投錢及粟。皆不受。亦不去。家人怒。歸不顧。韓聞。擊剝之。戲
甚久。詢之。家人以情告。言未已。道士竟入。韓招之坐。道士向主客皆
一舉手。即望。畧致研詰。始知其初居村東破廟中。韓曰。何日棲鶴
東觀。竟不聞知。殊缺地主之禮。荅曰。野人新至。無交遊。間居士揮
霍。深願求飲焉。韓命舉觴。道士能豪飲。徐見其衣服垢敝。

嵒湖鑄雪齋

頗淹蹇不甚為礼。韓亦海客遇之。道士傾飲二十餘杯。乃辭而去。自是每宴會。道士輒至。遇食則食。遇飲則飲。韓亦稍厭其頻飲。次徐嘲之曰。道長日為客。寧不作主。道士笑曰。道人與居士等。惟獲肩承一喙耳。徐慚不能對。道士曰。雖然。道人懷誠久矣。會當竭力作杯水之酬。飲畢。囑曰。翌午幸賜光寵。次日相邀同往。疑其不設行。道士已候于途。且語且步。已至寺門。入門則院落一新。連閣雲蔓。大奇之。曰。久不至。創建何時。道士荅。竣工未久。比入其室。陳設華麗。世家所無。二人肅然起。敬甫坐。行酒下食。皆二八孩童。錦衣朱履。酒饌芳美。備極豐渥。飯已。另有小進。珍果多不可名。貯冰

晶玉石之器。光焰几榻。酌以玻璃棧。圍尺許。道士曰。喚石家姊妹來。童去少時。二美人入。一細長。一弱柳。一身短。齒晬稚。媚曼雙絕。道士即使歌。以侑酒。少者拍板而歌。長者和以洞簫。其声清細。既闕。道士懸爵促醺。又命偏酌。顧問美人。久不舞。尚能之否。遂有僮僕展羅瑜於筵下。而女對舞。長衣亂拂。香塵四散。舞罷。斜倚画屏。二人心曠神飛。不覺醺醉。道士亦不顧客。舉杯飲盡。起謂客曰。姑煩自酌。我稍憩。即復來。即去。南屋壁下。設一螺鈿之床。女子為施錦褥。扶道士臥。道士乃曳長者共寢。命少者立床下。為之爬搔。二入睹此狀。頗不平。徐乃大呼。道士不得無礼。往將撓。

嵒湖鑄雪齋

之道士急起而遁見少女猶立床下乘醉拉向北榻公然擁臥視床上美人尚眠徬榻顧韓曰君何太迂韓乃遂登南榻歛衽與狎褻而美人睡去搢之不轉因抱與俱寢天明酒夢俱醒覺懷中冷物冰人視之則抱長石臥青堦下急徐視上尚未醒見其枕遺屏之右酣寢敗廁中就起互相駭異四顧則一庭荒艸西間破屋而已

○○○胡氏

直隸有巨家欲延師忽一秀才踵門自薦主人延之詞語開爽遂相知悅秀才自言胡氏遂納贄館之胡課業良勤淹洽非下士等然時出遊輒昏夜始歸局閉候然不聞款

叩而已在室中矣。遂相驚以狐。然察胡意固不惡。優重之。不以怪異廢禮。胡知有主人有女。求為姻好。屢示意。主人偽不解。一日胡假而去。次日有客來謁。繫黑帶于門。主人逆而入。年二十餘。衣履鮮潔。意甚恬雅。既坐。自達始知為胡氏作冰。主人嘿然良久曰。僕與胡先生交已莫逆。何必婚姻。且息女已許字矣。煩代謝先生。客曰。確知令媛待聘。何拒之深。再三言之。而主人不可。客有慙色曰。胡亦世族。何遽不如先生。主人直告曰。實無他意。但惡非其類耳。客聞之怒。主人亦怒。相侵益亟。客起。抓主人。主人命家人杖逐之。客乃遁。遺其駟。視之毛黑色。批耳修尾。大物也。牽之不動。驅之則隨手而蹶。噉草蟲耳。主人

嵒湖鑄雪齋

以其言急，知必相仇，戒備之。次日果有孤兵犬至，或騎或步，或戈或弩，馬嘶人沸，聲勢汹汹。主人不敢出，狐齧言入屋。主人益惧，有健者率家人譟出，飛石施箭，而相冲擊，互有重傷。狐漸瘳，終引去。遺刀地上，亮如霜雪，近拾之，則高粱葉也。眾笑曰：「技止此耳。」然恐其復至，益備之。明日眾方聚語，忽一巨人自天而降，高丈餘，身橫數尺，揮大刀如門，逡巡而殺。羣搦大石亂擊之，顛踣而斃，則芻靈耳。眾益易之。狐三日不復來，眾亦懈。主人適登廁，俄見孤兵張弓挾矢而至，亂射之，集矢于臂，大惧，急喊眾奔闕。狐方去，援矢視之，皆蒿梗。如此月餘，去來不常，雖不甚害，而日上戒嚴。主人患苦之。一日胡生率眾至，主人身出胡望。

見避于衆中。主人呼之，不得已乃出。主人曰：僕自謂無失礼于先生，何故興我？羣狐欲射，胡止之？主人近握其手，邀入故齋，置酒相款。從容曰：先生達人，當相見諒。以我情好，寧不樂附婚姻？但先生車馬宮室，多不與人同。弱女相從，即先生當知其不可。且諺云：瓜果之生，摘者不適于口。先生何取焉？胡大慚。主人曰：無傷，舊好故在。如不以塵濁見棄，在門牆之幼子，年十五矣。願得坦腹床下，不知有相若者否？胡喜曰：僕有弱妹，少公子一歲，頗不陋。方以奉箕帚如何？主人起拜，胡答拜。于是酌酢甚歡。前卻俱忘。命羅酒漿，徧攜從者，上下歡慰。乃詳問居里，將以奠雁。胡辭之。日暮，繼燭，醺醉乃去。由是遂安年。

嵒湖鑄雪齋

餘胡不至、或疑其約安、而主人堅待之、又半年、胡忽至、既道溫涼已、乃曰、妹子長成矣、請卜良辰、遣事翁姑、主人喜、即同定期而去、至夜果有輿馬、送新婦至、奩妝豐盛、設室中幾滿、新婦見姑、嫵溫麗常、興主人大喜、胡生與一弟來送女、談吐俱風雅、又善飲、天明乃去、新婦且能預知年豐凶、故謀生之計、皆取則焉、胡生兄弟以及胡媼、時來望女、人皆見之、

戲術

有桶戲者、桶可容升、無底中空、亦如俗戲、人以二席置街上、持一升入桶中、旋出、即有白米滿升、傾注席上、又取又傾、頃刻而席皆滿、然後一量入畢而舉之、猶空桶、奇在多也、

利津李見田在額鎮閤遊陶場欲市巨甕與陶人爭直不成而去至夜室中未出者六十餘甕啟視一空陶人大驚疑李踵門求之李謝不知固哀之乃曰我代汝出室一甕不損在魁星樓下非典如言往視果二俱在樓在鎮之南山去場三里餘傭工運之三日乃盡

閻羅

萊蕪秀才李中之性直諒不阿每數日輒死去僵然如尸三四日始醒或問所見則隱秘不洩時邑有張主者亦數日死語人曰李中之閻羅也余至陰司亦其屬曹其門殿對聯俱能述之或問李昨赴陰司何事張曰不能其述